

## Wien, Österreichische Nationalbibliothek (ÖNB), Cod. 4372

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

951

C O D I C E S

952

*Hom. I. contra gentem pro super gentem, in nostris tribulacionibus pro temporibus, quod modo pro nos modo &c. legit Noster.*

*II. fol. 77. Incipiunt capitula libri pastoralis Gregorij pape urbis Rome. Index hic non concordat cum impresso T. II. edit. suprac. p. I. Integrum tamen est Opus, licet in partes non distribuatur. Initium: *Pastoralis cure me pondera fugere &c.* Finis: *tui me meriti manus leuet.**

CCLXVI. VII. 20.

258 Codex partim membraneus, partim chartaceus lat. Sec. XIV. Folior. 141. f. per duas columnas nitide scriptus, rubricisque distinctus continet: I. *Gregorii dicti Magni Pont. Rom. Epistolas* numero CCCIV. si quaedam, quae *Mauriani* Editores in *Append. T. II. Paris. 1705.* rejecere, et *Narrationes de Diluvio et Peste Romana, Litaniarumque institutione ex Vita Gregorii per Paulum, Joannemque Diacc.* scripta excerptas, quae extant T. IV. praedictae *Edit.* accen-seas. Epistolae hae, quod absque omni in libros distributione, aut ordine decurrant, laboriose cum editis *Maurianis collatae*, paucis exceptis, quae ex Libris prioribus petendae erant, intra Libros VIII—XIV. continentur. Initio Codicis earum, sed non omnium, praecedit Summarium inscriptum: *Incipiunt Capitula libri Registri. Epistola I. quae Maurianis L. VIII. prima est,*

perperam titulum gerit: *Anastasio Episcopo antiochiae, cum scribendum fuerit: Petro Episcopo Corsicae*, et in universum multis mendis scatet Codex. Ita fol. 33. Epist. nobis XCI. *Maur. L. III.* 64. pro *Mevaniensis Ecclesiae* legit *iuuauiensis*. Epistolae nobis fol. 104. ultimae, *Maur. L. IX.* 52. ultimam tantum partem exhibet, in qua egregius ille de sincero Imaginum cultu locus, quem a multis Exemplaribus abesse Editores illi testantur, continetur, hoc initio: *Imagines, quas tibi dirigendas per Dulcidum (Dulcidium?) rogasti &c.* Nihil in eo de duabus *Surtariis* vel *Scutariis*, sed sic proceditur: *Ideoque direximus tibi ymaginem saluatoris, et sancte dei genitricis et beatorum petri et pauli &c.* Ad calcem harum *Epistolarum* adtextum est *Bonifacii Papae IV. Decretum Synodi* promulgatum in Concilio Rom. III. Kal. Mart. anno Chr. DCX. hac rubrica: *Ex concilio sancti Bonifacij pape, qui quartus fuit a beato Gregorio papa.* Statuitur eo: *Licere Monachis in officio sacerdotali ministrare.* Adtextum hic credo, quod a *Gregorii Monachatu* argumentum pro assertione ducatur. Initium est: *Quia uero liceat monachis cum sacerdotali officio ministrare, sunt nonnulli fulti nullo dogmate &c.* Extat in *Colleg. Holsteniana* p. 242. in *Colleg. Concil. Labb. T. VI. edit. Venet. col. 1355. Harduin. T. III. col. 543.* et in *Praef. ad Sec. I. Ad. Ord. S. Bened. n. 94.* et quam

## Wien, Österreichische Nationalbibliothek (ÖNB), Cod. 4372

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

953

## P A T R I S T I C I .

954

quam in *Cod. nostro* non parum mendosum fit, medelam tamen

hinc inde impressis adferre posset. Subscriptum est:

*Finis adeſt operis mercedem poſco laboris.*

II. fol. 109. minio: *De sanctitate meritorum et gloria miraculorum beati karoli magni ad honorem et laudem nominis dei.* Tractatum hunc alius itidem *Bibliotheca Aug. Codex* inter *Historicos profanos* numero DCLXVI. exhibit, quem *Lambecius L. II.* p. 329. recensendo aliquo nos labore levavit. *Lambecii* recensum in *Analegor. Vindob. T. I. col. 468.* *Kollarus* transtulit, subiecto *Gentiloti* judicio, qui *Bollandi* ad diem XXVIII. Jan. sententiae innixus totum opus otiosi ac frivoli hominis centonem ex *Eginardo* aliisque *Carolo* coaevis et sinceris Scriptoribus, simul et ex vanissimis *Pseudo-Turpini* fabulis contextum statuit, quibus cordatus quisque inspecto *Codice* calculum facile adjiciet. Ut tamen horum virorum dicta breviter colligamus, opus in tres *Distinctiones* abit, quarum cuiilibet *Proeemium* praefixum est. Capita omnium trium *Distinctionum* *Prooemio primo* subiecta sunt, e quo discimus, Autorem Anonymum tempore *Friderici I. Imp.* atque adeo circa an. 1165. quo elevatio, translatio et canonizatio *Caroli M.* facta est, scripsisse *Micrologum*, cuius a se de eodem *Carolo* conscripti meminimus, a praesenti opere diversum non putamus. Initium hujus *Prooemii* est: *Etsi passim et va-*

*rie odoris pigmentarii veneranda orthodoxi Karoli Magni celebretur memoria &c.* Exemplar utriusque Codicis aequaliter procurrit usque ad *Dist. III. c. 4.* Hic vero interpolationes, transpositionesque incipiunt. Exemplar praesens in his verbis sifit: *in remedium anime sue suorumque instituit.* Alterum integro *Capite* superat, ut suo loco dicetur. Plura, ut diximus, *Lambecius* et *Gentilotus* supracit.

CCLXVII. VII. 7.

*Codex membraneus lat. Sec. 84 XII. Folior. 190. f.* nitide scriptus et rubricis distinctus continet *S. Paterii Rom. Ecclesiae Notarii* et *Secundicerii*, *Scriptoris Sec. VII. Expositionem V. T. ex Libris Gregorii M. Pont. Rom. concinnatam*, suafore ipso beato Viro, cui familiaris fuit. Praemituntur *I. Decretum* de Testium numero ad condemnandum *Episcopum*, *Presbyterum*, *Diaconom* &c. requisito ex *Concilio Rom.* sub *Silvestro I.* quod incipit: *Et Episcopus vel presbyter non dampnetur &c.* extatque apud *Labb. T. I. Concil. col. 1542. II. Decretum*, quo varii ab excommunicatione eximuntur, ex *Concilio Rom. IV.* sub *Gregorio VII.* celebrato an. MLXXVIII. quod incipit: *Quoniam multos peccatis nostris*